



[Message vidéo en français \(vimeo.com/306132578\)](https://vimeo.com/306132578)

EYENGA YA MBOTAMA, LILOBA AKOMI NDEKO WA BISO

O eyenga ya Mbotama, Nzambe ayingeli o bomoto bwa biso. Asali yango na bokutu, na makelele te, na bomilakisi mpe te. Mpo na nini ? Zambi mwana oyo abotami, ayei mpo azala nkumu te, kasi mpo azala motomolo ya bandeko ebele. Ayei mpo alakisa bokonzi bwa ye te. Kasi ayei mpo'te, na ye, bato banso bakoma bandeko. Zambi banso tozali bana ba Tata moko. Bondeko boye bopesameli biso, bokokokisama bobele na makanise te soko toyambi yango na bosolo te. Bondeko boye bopesameli biso mpo'te tobika na yango ! Tobosana te'te tozali kosepela Eyenga ya Mbotama lelo ! O Eyenga eye, Liloba akomi Ndeko wa biso ! Maloba ma ye nazui mango epayi ya Christian de Chergé, moine ya lingomba ya ba cistercien, moko ya bamartiro zomi na libwa (19), baye balubolaki ba-isengo (bienheureux) o mokolo wa 8 décembre na mboka Algérie.

Uto mibu koto ibale koleka, bondeko mpo ya biso bakristu, bozali bobele makanisi te, atako mazali malamun denge nini. Kasi bokomi nsuni o mokolo mwa mbotama zambi efungoleli biso nzela ya bondeko na bato banso ! Boye, bondeko bona, bozali lisusu likambo ya mayoki to ya bomoni mambi mazali malamun to mabe te. Kasi bokomi ebiangemeli ya kokabola maye tozui epayi na Nzambe, na nzela ya Kristu oyo akomi Ndeko wa biso, mpo'te banso tokoma bana ba Tata moko.

Mikanda Misantu mizali wana mpo na koyebisa biso'te, bondeko bokomonono na bokebi, na bokengi, na boyokani, na motema molamu, na komipesa mpe na kolimbisa baninga... Bondeko bozali etumba ya mokolo na mokolo, mpo ya moko moko wa biso mpe o ntei ya masanga mpe mangomba na biso. Na etumba ena, tokokuta bokengeli na bondimi, bobangi na bolingi, boboyani na boyambi baninga, bitumba na boboto, boyini na bolimbisi ... Mpo'te tolonga etumba yango, totala bobele Mwana wa Nzambe alali o Eliyelo ya bibwele mpe tosakola boyambi boye : Tondimi'te Yezu akomi Ndeko wa biso mpo'te banso tokoma bandeko ba solo mpe tobika na bondeko bona !

Na moko moko wa bino, na mabota ma bino, na bino banso, basi to babali, bozali bandeko mpo ya Kristu, natombeli bino Eyenga elamu ya Mbotama !

+ Pascal Delannoy
Episcopo ya Saint-Denis na France